



QUÆSTIO MEDICA,

QUOD LIBETARIIS DISPUTATIONIBUS
*manè discutienda in Scholis Medicorum, die
Jovis vigesimâ Januarii.*

M. FRANCISCO FAUSTO ALLIOT,
Doctore Medico, Præside.

An fatui diutius & felicius vivant sapientibus?

I.

CALORIS in humido permansio, vita. Calorem, activum vitæ principium, nudam qualitatem ne putato, destitutam subjecto cui inhæreat; aptius existimaveris hunc, effectum tenuissimæ, perniciosissimæque substantiæ, quam æmulam æthereæ rati non nulli, nos eandem prorsus esse cum spiritu volumus, per corpus omne diffuso, motûs omnis opifice, primarioque viventium in functionibus quibuscumque obeundis instrumento. Humidum, passivum vitæ principium, pinguis est & oleosa substantia, caloris & subjectum & pabulum. Tenuiorem istum, & avolare paratum assidue coërcet irretitum intrâ se. Ambo conjuncta secum arctiori nexu, sese mutuò conservant. Calor & humidum insita, è tenuiori seminis portione ducunt originem, influentia, subtilissimarum sanguinis molecularum loboles; utrumque *ἀνικνόντων*, tamdiu vitam fovens, quamdiu ritè agitantur.

II.

NON eadem omnibus vitæ mensura vel conditio, longius quibusdam ævum conceditur, brevius aliis; fortunatum idem nonnulli decurrunt, infelix & ærumnosum

2
alii. Longatiores, quibus humidum pingue, uberius ac tenax, atque à nimio. excrementorum proventu magis immune, quibus item vegetior calor natus, quoniam socio intus adhærescens. Fortunatiores, quorum vita doloris atque sollicitudinum experta traducitur, ni meliori titulo volueris esse fortunatos, qui se noverunt utroque gaudere, minus interim felices, nostro quidem iudicio, quibus assidue verendam, ne utroque orbentur. Felicitatis igitur aut infelicitatis subjectum, propriè aliud ab hominis mente, nullum; quæ prout corpus movet, ab ipso, interventu spirituum impulsione (quod explicatu sanè arduum) idonea moveri evadens, varias elicit perceptiones easque reflexas. In omnibus quidem sui semper similis, idem iudicium ferret haud dubiè, nisi perculsa diversimodè, varium ferre invitaretur. Mutuati nempe aliam atque aliam à succis indolem spiritus, à tenuitate perniciatè, à crassitudine segnitiam; has aut illas inurunt impressiones animo, è quibus tristis gratulæ sensus nunquam non exoriuntur; ut in quorum mente alterutrius perceptio elicitur, fortunati, vel infortunati humanæ vitæ curriculum parens hæc sit futura.

III.

SAPIENS habendus, non qui ἀπαθὴς ex stoicis, at qui perturbationibus animi cæterorum instar obnoxius, idoneos iis frænos injicere novit, è præteritis tum doctrinâ, tum experienciâ conquisitis, præsentia librat ad amissim: super eventibus rerum quibusslibet, vel maximè repentinis, consilii nusquam inops, sibi semper & ubiq; præsens. Qui satis accuratam biliofi, melancholicique succorum crassim à naturâ semel hausit, ad sapientiam natus est aptior. A bilioso humore terfos atque subtiles comparavit sibi spiritus, ad motum expeditos, forsân & perniciores quam ad verè sapientem efficiendum; iis nisi compedes aliquatenus injiceret melancholici succi desiderata crassities & tarditas legitima. verùm qui ejusmodi temperie donati sunt, indè habent certè ut corripiatur eorum vita, pariter & exigatur infelicior. Nempe frequentibus & variis impulsione percussam mentem ipsorum, citra sanitatis damnum atque violatam animi pacem tot succussionibus sustinendis parem fore quis arbi-

47
3
tretur? A collecta præteritorum investigatione, solerti meditatione præsentium, sagaci futurorum providentiâ, quantâ fit spirituum & nitidiorum jactura? Quorum ad vitæ nutritionisque functiones destinatorum pars insignior evocata fuerat ad cerebrum; sed & oblita sui ipsius, quâ ferè semper extra seipsam natura, congerendis pluribus excrementis opportunam se præbet invita, superstites aliquot spiritus, degeneres interim, expositura, velut infortunatam ægritudinis occasionem.

I V.

INSIGNIOR functionis animæ ratiocinantis immutatio, fatuitas. Torporem hunc ingenii, cave menti ad scripseris, incusato spiritus, non pauciores quidem, at hebetiores, sæcique nimio plus immerfos. Ipsorum ubertatem probat *δενυνία* fatuorum plerorumque stare loco nesciorum; ut crassitudinem, functionum omnium corporearum robur, artuumque firmitudo. Ad utrumque conducunt non mediocriter alimentorum bella coctio, excrementorum evacuatio, immunitas à curis, à perturbationibus animi, quibus, præter fatuos, nemo non jactatur. Quantum ergò magis valent ad corpora fatui, tantò minùs ad spiritalia comparati sunt; corporis functionibus spiritus illorum omnes necessariò dicantur, quos à cerebro suoptemotu devolutos ad partes corporis inferas, nobiliorem nequit utiliter in operam impendere natura. Quidquid ad nutritionis & vitæ munia pertinet, implent accuratissimè quo circa, sensuum item ac motûs functionibus exequendis non mediocriter accommodati sunt, at inhabiles penitus ratiocinationi, quibus tenuitas ea pernicitasque negatæ, sine quibus *ἀγχίνοια* semper hebes, aut nulla.

V.

Feriantem dixeris naturam in fatuis circum ea quæ spiritalia sunt, non quia noverca & melioris hominum partis ipsis impartiendæ conquirendæve parùm studiosa, verum quia prudens ipsa semper, incassum nescit ea conquirere de quibus assequendis omnino desperat. In corporea qua propter effundens se totam & unicè, quidquid alimentorum ingerunt fatui, subigit efficaciter, superstes à quacumque coctione

recrementum validissimè protrudit, humorum itus reditusque, spirituum impulsiones ordinatè moderatur, à curis aut perturbationibus animi procul abest eorum machina corporea fermè omnis, quas vel experitur nusquam, vel saltè expertam se fuisse non novit: undè singulis ad diù beateque vivendum instructos eos dixeris, è contrario solutos à quibuscumque impedimentis longiori feliciorique vitæ adversantibus, quibus spirituum sat est undè munia ad corpus attinentia exequantur, & ab ipsorum jacturâ, unde quâque proveniat, in cæteris breviorè aut molestam vitam efficièntè, metuendum prorsus nihil.

Ergò fatui diutius & felicius vivunt sapientibus.

Domini Doctores disputaturi.

M. Petrus Paulus Guyart.	M. Andraas Evguchard.	M. Petrus Legier, Professor Regius, Decanus.
M. Franciscus le Rat.	M. Iosephus Thomasseau.	M. Nicolaus Rainsant.
M. Ludovicus Labbé.	M. Ludovicus Poirier.	M. Petrus Pourret.

Proponebat Lutetiæ PHILIPPUS CARON, Parisiensis
Baccalaureus Medicus. A. R. S. H. 1689.

P A R I S I I S,

Apud Franciscum Muguet, Regis, & Facultatis Medicinæ
Typographum.